

ԼԻՈՆԻ ԱՐՔԵՂԻՄԿՈՊՈՍ ՖԻԼԻՊ ԿԱՐԴԻՆԱԼ ԲԱՐԲԱՐԵՆԻ ԱՅՅԸ ՄԱՅՐ ԱԹՈՒ Ս. ԷԶՄԻԱԾԻՆ (27-31 մայիսի 2004 թ.)

Մայիսի 27-ին, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի հրավերով, հրեզ-
օրյա այցով Մայր Աթոռ Ս. Էջմիածին այցելեց Լիոնի արքեպիսկոպոս Ֆիլիպ Կարդինալ
Բարբարենը, որին ընկերակցում էին Հայր Մաքսիմ Բոբիշոնը և Հայր Մորիս Գարդը:
Պատվիրակությանն ուղեկցում էր Արևմտյան Եվրոպայի Լիոնի շրջանի Հայրապետական
պատվիրակի փոխանորդ Գերաշնորհ Ս. Նորվան եպս. Զաքարյանը:

Մայիսի 27-ի վաղ առավոտյան, ժամը 00.15-ին, «Զվարթնոց» օդանավակայանում Վե-
հափառ Հայրապետին և Լիոնի եկեղեցական պատվիրակությանը դիմավորելու էին եկել
Մայր Աթոռիս միաբանները և թեմակալ առաջնորդներ Գերաշնորհ Ս. Դավիթ արքեպս.
Սահակյանը, Մայր Աթոռի Հրապարակչական մարմնի տնօրեն Գերաշնորհ Ս. Ներսես
արքեպս. Պողոսյանը, Արցախի թեմի առաջնորդ Գերաշնորհ Ս. Պարզև արքեպս.
Մարտիրոսյանը, Շիրակի թեմի առաջնորդ Գերաշնորհ Ս. Միքայել եպս. Աջապահյանը,
Նոր Նախիջևանի և Ռուսաստանի հայոց թեմի առաջնորդ Գերաշնորհ Ս. Եզրաս եպս.
Ներսիսյանը, Կուրաքի թեմի առաջնորդ Գերաշնորհ Ս. Առաքել եպս. Քարամյանը, Մայր
Աթոռի դիվանապետ Ղոզեշնորհ Ս. Արշակ վրդ. Խաչատրյանը, ինչպես նաև Կառավարու-
թյանն առընթեր կրոնի գործերի պետական խորհրդի նախագահ տիար Ռազմիկ Մարկոս-
յանը և ՀՀ-ում Ֆրանսիայի Հանրապետության արտակարգ և լիազոր դեսպան Անրի Կյու-
նին:

Օդանավակայանի հյուրասրահում մերմիկ զրույց ծավալվեց Վեհափառ Հայրապետի
և Կարդինալի միջև, որից հետո Կարդինալն իր այցի նպատակների մասին հարցազրույց
յովեց «Շողակաթ» հեռուստաընկերությանը՝ ի մասնավորի ասելով. «Հայոց Հայրապետ-
ները՝ երջանկահիշարակ Վազգեն Ա-ն, Գարեգին Ա-ն ու Նորին Սրբություն Գարեգին Բ-ն
այցելել են Լիոն: Այս այցելությունը վաղուց էր ծրագրված: Իմ սերը Հայաստանի եկապ-
մամբ մեծ է: Ես 30 տարի ցանկացել եմ լինել այս պատմական հողում...»:

Այնուհետև Վեհափառ Հայրապետի գլխավորությամբ հյուրերն ուղևորվեցին Մայր
Աթոռ: Ս. Էջմիածնի միաբանությունը Տրդատա Կամարի մոտ դիմավորեց Նորին Սրբու-
թյանը և մեծարգո հյուրերին: Ղոզնորականաց թափոռն ապա զանգերի դողանջների ներքո
ուղղվեց Մայր Տաճար, ուր, Իջման Ս. Մեղանի առջև, Վեհափառ Հայրապետն աղոթք վե-
րառաքեց առ Աստված, որից հետո ողջունեց և Մայր Աթոռի միաբանությանը ներկայաց-
րեց իրեն ընկերակցող բարձրաստիճան եկեղեցական հյուրերին: Բարիգալստյան արարո-
ղությունից հետո Վեհափառ Հայրապետը Հայաստան եկած հոգևորականների հետ եկե-
ղեցականաց թափոռով շարժվեց Վեհարան:

Մայիսի 27-ի առավոտյան բարձրաստիճան հյուրերը, ուղեկցությամբ Գերաշնորհ
Ս. Դավիթ արքեպս. Սահակյանի, Ս. Նորվան եպս. Զաքարյանի և Մայր Աթոռի միաբան-

ների, այցելեցին Ծիծեռնակաբերդ՝ հարգանքի փոքր մատուցելու 1915 թ. Մեծ եղեռնի զոհերի հիշարարկին:

Պապովիրակության ուղեկցելու էր եկել նաև Վ-ում Ֆրանսիայի Հանրապետության արարակարգ և լիազոր դեսպան Նորին Գերագանցություն Անրի Կյունին: Կարդինալին և իրեն ուղեկցող շքախմբի անդամներին դիմավորեց Ցեղասպանության ինստիտուտի տնօրեն, պարմական գիտությունների դոկտոր Լավրիենտի Բարսեղյանը՝ հանգամանակից ներկայացնելով անցյալ դարասկզբին հայ ժողովրդի դեմ կատարված ոճրագործությունը: Ծաղիկախակի զեպտեղումից հեպտ կատարվեց հոգեհանգստյան պաշտոն ի հիշարարկ Հայոց Մեծ եղեռնի բյուրավոր անմեղ նահապակների:

Հավարդ հոգեհանգստյան արարողության Կարդինալը ծառ տնկեց Ծիծեռնակաբերդի հուշահամալիրի փարածքում, այնուհետև հարցազրույց տվեց «Շողակաթ» հեռուստաընկերությանը՝ ասելով. «Խաղաղության խորհուրդը կրող այս փունկը պիտի հաստատի երկու ժողովուրդների բարեկամությունը»:

Ծիծեռնակաբերդից հետո պապովիրակությունն այցելեց Մեսրոպ Մաշտոցի անվան Մարենադարան: Այստեղ պահվող հայկական ձեռագրերը հյուրերին ներկայացրեց Մարենադարանի տնօրեն Սեն Արևշապյանը: Քանի որ Լիոնի արքեպիսկոպոսն առաջնորդն է պարմական Լուգոնիայի, ուստի ի պատիվ Կարդինալի ցույց տրվեց քրիստոնեության երկրորդ դարի հայերից Իրենեոս Լուգոնացու 13-րդ դարում ընդօրինակված մի ձեռագիր:

Կարդինալն իր փայավորությունների մասին գրեց Մարենադարանի պապիկ հյուրերի մատյանում, իսկ տնօրեն փիար Սեն Արևշապյանը պապվարժան հյուրերին նվիրեց Մարենադարանի մասին պատմող հրատարակություններ:

Նույն օրը, հեպ միջօրեի, պապովիրակությունն այցելեց Երևանի Ֆրանսիական համալսարան և հանդիպում ունեցավ համալսարանականների հետ: Համալսարանի ռեկտոր փիար Պոլ Ռուսեյի ողջույնի և բարիգալստյան խոսքից հետո, դեսպան Նորին Գերագանցություն Անրի Կյունին ներկայացրեց Կարդինալին ու նրան ուղեկցող շքախմբի անդամներին և սիրով հրավիրեց Կարդինալին իր օրհնության խոսքը փոխանցելու համալսարանականներին:

Լիոնի արքեպիսկոպոսն ասաց, որ Կարդինալ է ձեռնադրվել Ֆրանսիայի Ավֆորվիլ քաղաքում, որը հայկական մեծ համայնք ունի, և որ Լիոնում նույնպես բազմաթիվ հայեր են բնակվում: Կարդինալն առանձնակիորեն հիշարարկեց, որ փարիներ առաջ պատրիկն է ունեցել իր թեմում հյուրընկալելու Ամենայն Հայոց Կաթողիկոս, Նորին Սրբություն Գարեգին Բ Վեհափառ Հայրապետին, և որ Նորին Սրբության հրավերով այսօր ինքն է հյուրընկալվել Մայր Աթոռում:

Արևմտյան Եվրոպայի Լիոնի շրջանի Հայրապետական պապովիրակի փոխանորդ Գերաշնորհ Տ. Նորվան եպս. Զաքարյանն այնուհետև պատմեց ֆրանսահայ գաղութի ներկա վիճակի մասին:

Ֆրանսիական համալսարանից հետո բարձրաստիճան հյուրերն այցելեցին ԵՊՀ-ի Աստվածաբանության ֆակուլտետ՝ հանդիպելու համալսարանականների հետ: Գերաշնորհ Նորվան Սրբազանը համալսարանականներին և դասախոսական կազմին ներկայացրեց պապովիրակության անդամներին: Կարդինալին և շքախմբի անդամներին դեկան Գերա-

շնորհ S. Շահն արքեպս. Աճնմյանի, դասախոսական կազմի և ուսանողության անունից ողջունեց և բարի գալուստ մաղթեց ֆակուլտետի դասախոս Մարի Սանթրոքյանը:

Կարդինալը, հյուրընկալության համար շնորհակալական խոսքից հետո, ուսանողությանը դասախոսություն կարդաց 2-րդ դարի եկեղեցական մեծ հայրերից Իրենեոս Լուզոն-նացու մասին: Դասախոսությունից հետո Կարդինալը սիրով պատասխանեց համալսարանականներին հետաքրքրող հարցերին:

Հավարտ հանդիպման բարձրաստիճան հյուրը համալսարանի գրադարանին նվիրեց ֆրանսերեն լեզվով մի քանի գրքույկներ:

Նույն օրը, ժամը 18.00-ին, բարձրաստիճան հյուրերը, նրանց ուղեկցող եկեղեցականաց դասը ազգիս Վեհափառ Հայրապետի գլխավորությամբ այցելեցին և հանդիսավոր թափուրով մուտք գործեցին Երևանի Ս. Գրիգոր Լուսավորիչ Մայր եկեղեցի՝ խոնարհվելու Ս. Գրիգոր Լուսավորչի սրբազան մատուցներին և համարել աղոթելու: Այնուհետև այցելեցին Երևանի Սուրբ Երրորդություն կիսակառույց եկեղեցի, ինչպես նաև Արարապյան Հայրապետական թեմի Ս. Սարգիս առաջնորդանիստ եկեղեցի, ուր Նորին Սրբությանը և հյուրերին դիմավորեց և ողջունեց Արարապյան Հայրապետական թեմի առաջնորդական փոխանորդ Գերաշնորհ S. Նավասարդ եպիսկոպոս Կճոյանը:

Այնուհետև պատվիրակությունն այցելեց Երևանի ֆրանսիական լիցեյ, ուր նրանց միացավ նաև դեսպան Նորին Գերազանցություն Անրի Կյունին: Լիցեյի տնօրենուհին ողջունեց պատվարժան հյուրերին և ներկայացրեց լիցեյի գործունեությունը, իսկ ուսանողները ներկայացրեցին նորաձևության դասընթացում իրենց ձեռք բերած վարպետությունը:

Նույն օրը, երեկոյան, բարձրաստիճան հյուրերը հյուրընկալվեցին Ֆրանսիայի Հանրապետության դեսպանատանը, ուր ի պատիվ Կարդինալի կազմակերպվել էր ընթրիք՝ ՀՀ-ում Ֆրանսիայի Հանրապետության արտակարգ և լիազոր դեսպան Նորին Գերազանցություն Անրի Կյունիի կողմից:

Մայիսի 28-ին պատվիրակությունը հոգևորական դասի ուղեկցությամբ հյուրընկալվեց Շիրակի թեմում: Ս. Յոթվերք առաջնորդանիստ եկեղեցու սրբազան կամարների ներքո բարձրաստիճան հյուրերին դիմավորելու էին հավաքվել եկեղեցականաց դասը՝ ի գլուխ ունենալով Շիրակի թեմի բարեխնամ առաջնորդ Գերաշնորհ S. Միքայել եպս. Աջապահյանին, հավաքավոր հայորդիներ և տեղական հեռուստաընկերությունների ներկայացուցիչներ: Եկեղեցական թափուրն այսպիսի բուրվառների անուշահոտ խնկարկումով և եկեղեցու զանգերի դողանքների ներքո առաջնորդվեց եկեղեցի, ուր, առ Աստված աղոթք վերառաքելուց հետո, Կարդինալը և թեմակալ առաջնորդ Սրբազան Հայրը բարիգալստյան ողջույնի խոսքեր փոխանակեցին:

Այնուհետև հյուրերն այցելեցին առաջնորդարան, ուր ի պատիվ Կարդինալի կազմակերպվել էր մի փոքրիկ հյուրասիրություն, հընթացս որի ծավալվեց մտերմիկ զրույց առաջնորդ Սրբազան Հոր և հյուրերի միջև:

Առաջնորդարանից բարձրաստիճան հյուրերն ուղևորվեցին դեկտեմբերյան երկրաշարժի անմեղ զոհերի հիշարարկը հավերժացնող հուշարձան գերեզմանով ծաղկեպսակ: Կարդինալը հոգեհանգստյան աղոթք բարձրացրեց առ Աստված՝ անմեղ զոհերի հոգիների հանգըստության համար:

Տ. Ղևոնդ արդ. Ղևոնդյանը: Հայր Սուրբը պարվարման հյուրերին հանգամանալից կերպով ներկայացրեց Ս. Գեղարդավանքի պարմությունը, որից հետո սիրով հրավիրեց մասնակցելու մի փոքրիկ հյուրասիրության: Մեկնելուց առաջ Կարդինալը և իրեն ուղեկից շքախմբի անդամներն աղոթք բարձրացրեցին առ Աստված:

Նույն օրը, կեսօրին, բարձրաստիճան հյուրերն այցելեցին Սևանա կղզի՝ հանդիպելու Վազգենյան Հոգևոր Դպրանոցի սանուց հետ: Հյուրերին դիմավորեց և բարի գալուստ մաղթեց դպրանոցի տեսուչ Հոգեշնորհ Տ. Գարեգին արդ. Հարությունյանը, իսկ դպրեվանքի ուսանողությունը ի պատիվ հյուրերի հանդես եկավ զեղարվեստական հայրագրով: Կարդինալը նախ շնորհակալություն հայտնեց հյուրընկալության համար, որից հետո ուսանողության համար դասախոսություն կարդաց Ս. Իրենեոսի մասին: Կարդինալը սիրով պատասխանեց սաներին հետաքրքրող հարցերին: Տեսուչ Հայր Սուրբը հակիրճ ներկայացրեց Սևանի հիմնադրվածքի, ինչպես նաև դպրանոցի հիմնադրման պարմությունը: Ավարտելով իր այցը Սևանի Վազգենյան Հոգևոր Դպրանոց՝ պարվիրակությունը վերադարձավ Մայր Աթոռ Ս. Էջմիածին:

Նույն օրը, երեկոյան, Վեհարանից ազգիս Վեհափառ Հայրապետ Գարեգին Բ-ի առաջնորդությամբ Կարդինալը, իրեն ուղեկից շքախմբի անդամները և բարձրաստիճան եկեղեցականաց դասը թափոթով շարժվեցին Մայր Տաճար, ուր Նորին Սրբության բարձր հանդիսապետությամբ անցկացվեց կիրակնամրի երեկոյան ժամերգություն: Հավարտ երեկոյան ժամերգության Գերաշնորհ Տ. Դավիթ արքեպս. Սահակյանը հրավիրեց Կարդինալին իր օրհնության խոսքը փոխանցելու հավաքացյալներին:

Երեկոյան ժամերգությունից հետո պարվիրակությունն այցելեց Գևորգյան Հոգևոր Ճեմարան: Հանուն ուսանողության, պրոֆեսորադասախոսական կազմի և տեսչության բարձրաստիճան հյուրերին ողջունեց Ճեմարանի տեսուչ Արմանապարիվ Տ. Եղիշե ավագ քին. Սարգսյանը: Գերաշնորհ Տ. Նորվան եպս. Զաքարյանն ուսանողությանը ներկայացրեց պարվիրակության անդամներին և հրավիրեց Կարդինալին իր խոսքն ուղղելու ճեմարանականներին: Կարդինալն ուսանողության համար հանդես եկավ իր կողմից պարաստված Ս. Իրենեոս Լուգդոնացու մասին դասախոսությամբ: Դասախոսության ավարտին Կարդինալը սիրով պատասխանեց ուսանողությանը հետաքրքրող հարցերին: Հավարտ հանդիպման Կարդինալը մի քանի զրբեր նվիրեց ճեմարանի գրադարանին:

Մայիսի 30-ի առավոտյան Ս. Հովհաննես Տաճարում Պատարագ մատուցեց Կարդինալը, որին ներկա էր Ֆրանսիայի Հանրապետության դեսպան Նորին Գերագանցություն Անրի Կյունին:

Նույն օրը, ժամը 11-ին, Հոգեգալստյան տոնին, հանդիսավոր Ս. Պատարագ մատուցվեց Մայր Տաճարում: Սրբազան արարողությանը ներկա էին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը, հնգօրյա այցով Մայր Աթոռում գտնվող Լիոնի արքեպիսկոպոս Ֆիլիպ Կարդինալ Բարբարենի գլխավորած պարվիրակությունը: Հավարտ Սրբազան Պատարագի Հայոց Հայրապետը ողջունեց բարձրաստիճան հյուրերի ներկայությունը Մայր Աթոռում և Կարդինալին նվիրեց Հայ Առաքելական Սուրբ Եկեղեցու ականակոռ լանջախաչ: Այնուհետև հրավիրեց Կարդինալին իր խոսքը փոխանցելու Մայր Տաճարում հավաքված բազմաթիվ հավաքացյալ հայորդիներին:

ԿԱՐԴԻՆԱԼ ԲԱՐԲԱՐԵՆԻ ԽՈՍՔԸ Ս. ԷԶՄԻԱՇԻՆԻ ՄԱՅՐ ՏԱՃԱՐՈՒՄ

Այս փարի բոլոր քրիստոնյաները շնորհին ունեցան Ս. Զարիկը նշելու միևնույն օրը: 50-րդ օրը՝ Զարիկից 7 շաբաթ հետո, Պապարազն ազդարարում է «Հանդիսավոր ցնծություն», և Հոգեգալուստան իր շուրջն է համախմբում մեզ բոլորիս: Կրակն լեզուների փեսքով խորհրդանշվող Սուրբ Հոգու շնորհը հեռու է վանում Առաքյալներին ջլարող վախը, և նրանց լեզուներն արձակվում են կապանքներից: Հորդում է Ս. Զարիկը, լույսով է ողողվում Երուսաղեմ քաղաքը, իսկ այսօր՝ համայն աշխարհը:

Քրիստոս հայտնում է Սուրբ Հոգու պարզևի մասին՝ Հուդայի (ո՛չ Իսկարիովրացի) հարցին պատասխանելով (Հովհ. ԺԴ): Տերը մի գեղեցիկ ժպիտ է մեզ պարզևում, քանի որ Ս. Հուդան այն ավերաբերն է, որին Սուրբ Հոգին բերում է Հայաստան, և որը ձեր երկրում Հաբուցյալ Քրիստոսի առաջին վկայողն է եղել (Կարդինալը նկարի ունի Թադեոս առաքյալին խմբ.):

Առաքյալը հարցնում է Քրիստոսին. «Տե՛հ, ինչպե՛ս եղավ, որ քեզ պիտի հայտնես մեզ, և ո՞չ թե աշխարհին» (Հովհ. ԺԴ 22): Հոգեգալստյանը Սուրբ Հոգին Քրիստոսի փված պատասխանը ամբողջովին հասկանալի դարձրեց. Վերնաբանը ընտրեց իր վկաներին, որ քարոզեն աշխարհով մեկ: Ս. Հուդան հասկանում է, որ ինքն էլ Քրիստոսի պես ուղարկված է Հոր կողմից, և հետևելով իր Տիրոջ օրինակին՝ գնում է Ավետիսը հասցնելու բոլոր մարդկանց:

Թովմասի հարցը՝ «Տե՛հ, չգիտեմք՝ ուր ես գնում, ուրեմն ինչպե՛ս կարող եմք գիտենալ ճանապարհը» (Հովհ. ԺԴ 5), և Փիլիպոսի խնդրանքը՝ «Տե՛հ, Հորը մեզ ցույց տուր, և այդ քավական է մեզ» (Հովհ. ԺԴ 8), նույնքան հարկանշական են, որքան Հուդայիցը: Տիրավի, այս երեք հարցերը 14-րդ գլխի հիմքն են կազմում ներկայանալով իբրև մի հոյակապ կարեխիզիս: Տիտոս դա հաստատում է Թովմասին փված պատասխանով. «Ես եմ ճանապարհը, ճշմարտությունը և Կյանքը» (Հովհ. ԺԴ 6): Փիլիպոսի հարցին պատասխանելով՝ նա վեր է հանում Իր հաղորդությունը Հոր հետ, որ Նրան ուղարկել է. «Ով ինձ տեսավ, Հորը տեսավ» (Հովհ. ԺԴ 9): Այնուհետև նա հստակ ներկայացնում է աշակերտների առաքելությունն աշխարհի վրա:

Քրիստոսի խոսքերն այնքան բարի են. «Այդ օրը դուք պիտի խմանաք, որ Ես Իմ Հոր մեջ եմ, իսկ դուք՝ Իմ մեջ. ու Ես՝ ձեր մեջ... Ով Ինձ սիրում է, պիտի սիրվի Հորից. Ես էլ Նրան պիտի սիրեմ և Ինձ պիտի հայտնեմ Նրան» (Հովհ. ԺԴ 20-21): Հաղորդության մթնոլորտն այնքան գորեղ էր, որ ապշեցնում է Առաքյալներին: Այն ժամանակ Հուդային, իբրև ուղղամիտ մարդու, հուզում է մի հարց, որ բովանդակում է քնքշություն, յուրայինի հանդեպ կարեկցանք, Առաքյալներին խոստացված շնորհը կիսելու ցանկություն: Նրա ուղղած հարցը, ինչպես Թովմասինն ու Փիլիպոսին, դեռ հուսախաբ է անելու Քրիստոսին. «Տե՛հ, ինչպե՛ս եղավ, որ քեզ պիտի հայտնես մեզ և ոչ թե աշխարհին» (Հովհ. ԺԴ 22): Իսկ Ավետարանի հաջորդող շարադրանքը փալիս է այդ հարցի պատասխանը:

Այո՛, պարզև անսահման մեծ է : Հիսուս խոստանում է հեքիյալը.

Սեր. «*Եթե մեկը սիրում է ինձ... իմ հայրը նրան կսիրի*» (ԺՂ 23):

Հավաքարմություն, կարարել պարվիրաններն ու խոսքը. «...*ևս կպահի իմ խոսքը...*» (ԺՂ 23):

Սուրբ Հոգու պարզև, որ ևս Մխիթարիչ է կոչվում, ապա արարահայրվում «*օթևան*» բառով, որ հայրն ու Որդին գալիս են բնակվելու մեր մեջ:

Սակայն նման չբնաղ պարզևը ևսխարեված չէ սարացողի անձնական բավականության համար: Հաղորդությունը երբեք արանջարված չէ առաքելությունից: Սա իրողություն է դառնում Տիրոջ կյանքի միջոցով, քանզի Մարդեղությունից ի վեր Սերը աստվածաբոր պարզև է: Այն ևս իրողություն է դառնում այն բոլոր մարդկանց առաքելությամբ, որոնց հայրը սիրում է, և որոնց րրված է Սուրբ Հոգին:

Բնակվելով մեր ներսում՝ Հոգին կլինի գործուն: Այն Քրիստոսի գործն ավարտին կհասցնի, մեզ կուսուցանի ամեն բան ու կիշեցնի այն ամենն, ինչ Քրիստոսն ասել է մեզ (հմմտ. ԺՂ 26): Տպավորիչ են կրկնվող «*ամեն*» բառերը: Տերն ուսուցանում է մեզ, որ մեզ ասվող խոսքը ոչ թե իրենից է բխում, այլ իր Հորից: Եվ Սուրբ Հոգին պարզ կդարձնի մեզ, որ Քրիստոսի կյանքի բոլոր պահերը՝ իր հրաշքներն ու առակները, իր անցած չարչարանաց ճանապարհը, այն ամենը, որ ևս արել է այս աշխարհում, Հորից սրացած առաքելության կարարումն է եղել:

Հուդան դեռ չէր հասկացել: Նա սխալվում էր՝ կարծելով, թե Հիսուս, որ այդքան անմնացորդ կերպով հանդես էր գալիս իր աշակերպներին Սուրբ Հոգու շնորհով, թաքնված է մնալու աշխարհից: Ընդհակառակը, երբ Սուրբ Հոգին մեզ դարձնի իսկական քրիստոնյաներ, մենք կկիսենք մեր Տիրոջ առաքելական փառքը: Եթե մենք իսկական օթևաններ ենք Աստծո բնակության համար, ուրեմն աշխարհը կարող է րեսնել Քրիստոսին առաքյալների կերպարանքով: Կարելի է շարունակել Քրիստոսի րված պարասխանը Փիլիպոսին և ասել Հուդային, ինչպես ևս մեր ժամանակաշրջանի բոլոր քրիստոնյաներին, «*Ով ձեզ կրեսնի, Քրիստոսին կրեսնի*»:

Ահա մեր առաքելությունը, ահա մի գեղեցիկ ծրագիր Հոգեգալստյան րոնի առիթով: Թող Աստված գա և բնակություն հաստարի մեր մեջ, թող Սուրբ Հոգին գործի յուրաքանչյուր քրիստոնյայի ներսում, ինչպես Քրիստոսը երևան եկավ աշխարհում: Միայն մի ևսխապաման է առաջադրվում, միաժամանակ հիմնարար և սպառնացող, որպեսզի ընդունվի պարզևը և ներս թափանցի շունչը հոգեգալստյան. «*Եթե ինձ սիրեք... Եթե մեկն ինձ սիրի*»:

Ողորմած լինենք այդ սիրո հանդեպ, քանի որ այդ շնորհը մեզ խոստացված է, և որ հասկապես աշխարհն ունի դրա կարիքը: «*Որպեսզի աշխարհը զիտեսա, որ ևս սիրում եմ Հորը*» (31), սա է հրամայականը: Բայց այն աշխարհը, որ Աստված մեզ ողարկում է, ողողված է անարաբերությամբ ու արելությամբ թագավորվող բռնություններով ու մահի իշխանությամբ... Հիսուս մեզ «*թողնում է խաղաղությունը*» որպես մի միսիա, որ դեռ պերք է իրագործել այս աշխարհում: Եվ որպեսզի հուսահարությունը մեզ չհաղթահարի, որպեսզի մենք մեր ներսում ամրակառ մնանք, ևս բաշխում է մեզ «*հի խաղաղությունը*»: Նրա ներկայությունը հիմքն ու հենարանը կլինեն մեր ուրախության, մեր կենսու-

նակության և վճռականության՝ գրնվելու մարդկանց մեջ. մարդիկ, որ կլինեն «խաղաղության ջախջախիչներ», մարդիկ, որ կոչված են լինելու Աստծո զավակներ:

Նա մեզ վստահեցնում է, որ այս աշխարհի «իշխանի» դեմ հաղթանակն արդեն շահած է, իսկ խաղաղության գործը դեռ անխնջ կերպով պահանջում է ամենօրյա վերսկսում ու ամրապնդում: Ահա այս փառապալի, բայց հաղթահարելի բախման մեջ է, որ Սուրբ Հոգին բրնձում է մեզ որպես Մխիթարիչ, այնպես, ինչպես որ մեկը կողքիդ կանգնած է լինում քեզ խորհուրդ տալու, սափար կանգնելու, պարսպաբեկու և սփռվելու համար: Խոսքումը հիասքանչ է. «Եվ ես պիտի աղագնամ Հորը, և Նա մի այլ Մխիթարիչ պիտի տա ձեզ, որպեսզի հավիտյան ձեզ հետ քնակվի» (16):

Արևելքի Եկեղեցում հաճախ Սուրբ Հոգուն անվանում են «Աստծո զորություն»: Գեղեցիկ ստուգաբանություն. սա ցույց է տալիս այն ներգործությունը, որ ունի մարդու ներաշխարհի վրա: Նույնիսկ երբ մոռանում ենք Աստվածային խորհուրդը, հավաքում ենք, որ Հոգին սիրո ներքին այդ զորությունն է, որ իրականացնում է Երրորդության միասնությունը:

Սուրբ Հոգուն ուղղված Պատարագի աղոթքները գլխավորապես սկսվում են «Արի» խոսքով: Դրանք մեր ներքին էությունը բացահայտող կանչ են «Տիրոջը, որ մեզ կյանք է շնորհում»: Կարելի է թվարկել պարզևեզներն ու պարունակները: Մնում է միայն դրանք ցանկալի, ինչպես չորացած հողն է սպասում և ընդունում կենարար ջրին:

Ուրեմն լիարժեքորեն ճաշակենք այս փռնախնդությունը: Խնդրենք Սուրբ Հոգուն, որ մեզ ամենքիս բաշխի անհրաժեշտ շնորհներ և միավորի մեզ բոլորիս: Խնդրենք Նրան բոլոր նրանց հետ միասին, ովքեր այսօր փառաբանում են Նրա գալուստը Բրիստոսի միակ Եկեղեցի:

Նույն օրը Մայր Աթոռի միաբանական սեղանադրանը, ի պատիվ բարձրաստիճան հյուրերի, կազմակերպվեց հյուսիսիություն և ընդունելություն:

Մայիսի 31-ի առավոտյան պատվիրակությունը եղավ Խոր Վիրապի վանքում, ուր նրանց դիմավորեց վանքի վանահայր Հոգեշնորհ Տ. Զարեհ վրդ. Կաթողյանը: Հայր Սուրբը հանգամանալից ներկայացրեց հեռմենի վանքի պատմությունը, որից հետո Կարդինալն աղոթք վերառաքեց առ Աստված՝ հայցելով Ս. Գրիգոր Լուսավորչի բարեխոսությունը:

Նույն օրը, կեսօրին, ավարտելով հնգօրյա այցը Մայր Աթոռ, Լիոնի Կարդինալ Ֆիլիպ Բարբարենի գլխավորած պատվիրակությունը մեկնեց Հայաստանից:

ՎԱԶԳԵՆ ՍՐԿ. ՔԵՍԱՐԱԼՅԱՆ

Մայր Աթոռ Ս. Էջմիածնի

Միջեկեղեցական հարաբերությունների բաժին